



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-592/22
Sarajevo, 04.04.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 14. sjednici održanoj dana 04.04.2022. godine, primilo je k znanju

Informaciju o poduzetim aktivnostima na realizaciji Projekta sanacije, investicionog i tekućeg održavanja te sistemskog održavanja uređenog korita rijeke Miljacke i uređenih korita njenih pritoka na području grada Sarajeva „Čista rijeka Miljacka“.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija

*o poduzetim aktivnostima na realizaciji Projekta sanacije, investicionog i tekućeg održavanja te sistemskog održavanja uređenog korita rijeke Miljacke i uređenih korita njenih pritoka na području grada Sarajeva
„Čista rijeka Miljacka“*

Sarajevo, april 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na 9. sjednici Gradskog vijeća Grada Sarajeva, održanoj 01.12.2021. godine, donesena je Odluka o pristupanju jedinstvenom Projektu sanacije, investicionog i tekućeg održavanja te sistemskog održavanja uređenog korita rijeke Miljacke i uređenih korita njezinih pritoka na području grada Sarajeva „Čista rijeka Miljacka“, koja je objavljena „Službenim novinama Kantona Sarajevo“, broj 50/21.

Krajnji cilj Projekta jeste da se uređena korita, odnosno vodni objekti dovedu u dobro stanje, da se postigne dobar ekološki kvalitet vode na području Grada Sarajeva te da se građanima omogući ugodnost korištenja površina uz vodotoke.

Polazeći od zakonske nadležnosti i obaveze Grada Sarajevo za upravljanje i održavanje uređenih vodotoka II kategorije, nužno je programirati zaštitu vodotoka, odnosno planirati aktivnosti na uređenju, održavanju, čuvanju i zaštiti uređenih, otvorenih i zacijevljenih vodotoka II kategorije na svom području. To podrazumijeva tekuće i investiciono održavanje, sanaciju uređenih korita vodotoka, uz prethodno provedene istražne radove i izradu projektne dokumentacije, kao i zaštitu voda od zagađenja u slivu navedenih vodotoka, definisan jedinstveni projekat „Čista rijeka Miljacka“, kojeg pored investicionog i tekućeg održavanja uređenih korita na području Grada Sarajevo, čine projekti i ove oblasti koji su sastavni dio Programa javnih investicija Kantona Sarajevo za grad Sarajevo.

Imajući u vidu Plan upravljanja vodama za vodno područje rijeke Save u FBiH, kao i ciljeve i mjere iz strateških i planskih dokumenata koji tretiraju ovu oblast, formulirani su prioritetni projekti Grada Sarajeva koji obuhvaćaju snimanje postojećeg stanja vodotoka, utvrđivanje mjera te realizaciju mjera do ostvarivanja vizije čiste rijeke Miljacke u gradu Sarajevu.

Pošto su ovi projekti uvršteni u Program javnih investicija Kantona Sarajevo (PJI), stvorene su pretpostavke za korištenje namjenskih sredstava za upravljanje vodotocima iz nadležnosti Grada Sarajeva koje Gradu Sarajevu, u skladu sa prioritetima iz PJI, te mogućnostima prenosi Kanton Sarajevo za vršenje Zakonom prenesene nadležnosti, budžetskih sredstava Grada Sarajeva i drugih nivoa vlasti, te sredstava iz određenih domaćih i međunarodnih fondova, kao i kreditnih sredstava.

Za realizaciju u 2022. godini započete su određene aktivnosti na pripremi projekata vezanih za uređenje i održavanje uređenog korita rijeke Miljacke (sanacija obalnih zidova, pjeskarenje, čišćenje vodotoka od smeća, raslinja, nanosa i sl.), sanacija i rekonstrukcija zacijevljenog vodotoka Bistričkog potoka, sanacija i rekonstrukcija zacijevljenog vodotoka Ramića potoka, analiza stanja i mjera koje je potrebno poduzeti za sanaciju i rekonstrukciju zacijevljenog dijela Koševskog potoka u saradnji sa Općinom Centar i dr.), a sve u skladu sa važećim propisima iz oblasti voda i građenja te u skladu sa Zakonom o javnim nabavkama i Planom javnih nabavki Grada Sarajeva za 2022. godinu.

Obzirom da je pri realizaciji pojedinih projekata, koji su dio cjelovitog projekta „Čista rijeka Miljacka“, nužno ostvariti saradnju sa gradskim općinama nadležnim za upravljanje neuređenim vodotocima II kategorije na području Grada Sarajeva, Služba za urbano planiranje, investicije, stambene i komunalne poslove Grada Sarajeva je 12.01.2022. godine organizovala sastanak sa predstavnicima gradskih općina i resornim Ministarstvom privrede Kantona Sarajevo kako bi se razmotrila mogućnost učešća u realizaciji planiranih aktivnosti. S tim u vezi, početkom februara je zatraženo pisano očitovanje Ministarstva i gradskih općina o tome u kojem obimu i na koji način će učestvovati u ovom projektu, jer su svi iskazali spremnost da podrže Projekat.

Na sastanku je doneseno nekoliko zaključaka, od kojih je i zaključak da će Grad Sarajevo gradskim općinama i Ministarstvu privrede KS dostaviti na uvid i očitovanje na projektni zadatak za izradu projekta sanacije kaskada u koritu rijeke Miljacke, što je Služba za urbano planiranje, investicije, stambene i komunalne poslove Grada Sarajeva i uradila, nakon čega će se definisati konačan projektni zadatak i pokrenuti postupak izrade projektne dokumentacije.

Pored toga, imajući u vidu sveobuhvatnost projekta „Čista rijeka Miljacka“ i procijenjenu vrijednost svih projekata koji čine njegov sastavni dio, dogovoreno je da Grad Sarajevo formira stručni radni tim s ciljem definisanja prioriternih mjera i aktivnosti na njegovoj realizaciji, a da se u tim imenuju predstavnici gradskih općina, Ministarstva privrede i Ministarstva komunalne privrede KS, Komisije za očuvanje nacionalnih spomenika BiH te akademske zajednice iz oblasti upravljanja vodama i zaštite okoliša. U tom smislu pripremljen je dopis navedenim organima i institucijama da predlože svoje predstavnike koji će učestvovati u radu ovog tima.

Kada je u pitanju realizacija projekta „Sanacije zacijevljenog dijela Ramića potoka“, podnesak za urbanističku saglasnost rješava Federalno ministarstvo prostornog uređenja, jer se predmetni lokalitet nalazi u obuhvatu historijskog urbanog krajolika Sarajevo prema Odluci o proglašenju historijskog urbanog krajolika BiH („Službeni glasnik BiH“, br. 1/21 i 10/21). U tom postupku obavezno je pribavljanje mišljenja Komisije za očuvanje nacionalnih spomenika BiH koja je aktom od 04.02.2022. godine donijela zaključak da predmetna intervencija nije u skladu sa odredbama spomenute Odluke o proglašenju historijskog urbanog krajolika Sarajevo nacionalnim spomenikom BiH.

Obzirom da je poseban akcenat dat na proljetno uređenje vodotoka, primarno rijeke Miljacke, u smislu koordinacije aktivnosti sa aspekta nadležnosti Grada i općina te Ministarstva privrede KS u sufinansiranju preventivnih mjera sa ciljem sprječavanja poplavnih događaja, Služba priprema izradu Elaborata kojim će biti definisan obim potrebnih radova, primarno uklanjanje mulja i riječnog nanosa na potezu od brane na Bentbaši do RTV Doma. Do tada očekujemo da ćemo imati jasnu sliku o sufinansiranju te pripremiti javnu nabavku radova i pristupiti izvođenju radova koje će biti moguće tek kada hidrološke prilike budu dozvoljavale, odnosno za vrijeme niskog vodostaja.

U vezi sa planiranim projektom Sanacije Bistričkog potoka, Služba je u saradnji sa projektantom, definisala fazno izvođenje radova (tri faze), imajući u vidu predračunsku vrijednost radova i sredstva opredijeljena Budžetom Grada za 2022. godinu, te je u skladu sa Planom javnih nabavki za 2022. godinu pokrenuta javna nabavka za izvođenje I faze radova i objavljeno obavještenje o nabavci dana 03.03.2022. godine. Očekujemo da će Ministarstvo privrede KS izdvojiti određena sredstva u 2022. godini za ovaj projekat koji im je kandidovan, a na koji bi se način omogućila realizacija naredne faze projekta. Za projekat obnove i rekonstrukcije Koševskog potoka planirano je da se u saradnji sa Općinom Centar i resornim Ministarstvom privrede zajednički utvrde prioritete dionice za realizaciju.

Vezano za projekat Pjeskarenja obalnih zidova rijeke Miljacke, prema ranije zaključenom Okvirnom sporazumu, u pripremi je zaključenje pojedinačnog Ugovora za izvođenje radova u 2022. godini, a radovi će se izvoditi kada vremenske prilike i vodostaj rijeke budu povoljni.

Imajući u vidu da projekat „Čista rijeka Miljacka“, također, podrazumijeva adekvatno zbrinjavanje otpadnih voda u slivu, tako da iste ne dospijevaju u vodotoke, Grad Sarajevo, obzirom da nema nadležnost u ovom dijelu Projekta, će inicirati kod nadležnih organa rješavanje odvodnje i prečišćavanja fekalnih otpadnih voda koje dospijevaju u vodotoke, kao i voda iz ispusta sa kolovoza saobraćajnica, a prije ulijevanja u korito Miljacke, i to primarno kod Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo iz namjenskih sredstava vodnih naknada Budžeta Kantona Sarajevo za 2022. godinu, svakako u saradnji sa gradskim općinama. Očekuje se da će javni poziv za dostavljanje prioriternih projekata vodovodne i kanalizacione infrastrukture biti u aprilu tekuće godine.

Na kraju je posebno važno naglasiti da je izvođenje radova na spomenutim pojedinačnim projektima u okviru Jedinog projekta „Čista rijeka Miljacka“ moguće izvoditi isključivo u periodu malih vodostaja rijeke Miljacke i njenih pritoka, a do tada je planirano da se pripremi potrebna dokumentacija i neophodna odobrenja te provedu postupci javne nabavke.